



Република Србија

МИНИСТЕРСТВО ПРОСВЕТИ, НАУКИ И ТЕХНОЛОГИЈНОГ РОЗВОЈУ
ЗАВОД ЗА ВРЕДНОВАЊЕ КВАЛИТЕТОХ ОБРАЗОВАЊА И ВОСПИТАЊА

ТЕСТ ИСТОРИЈА

1. Перши модерни олимпийни бависка отримани у Атини 1896. року.
Хторей децениї и хторому вику припада тот рок?
Одвит: _____ децения _____ вику.

2. У хторим историйним периодзе отримани Берлински конгрес (1878. рок)?
Офарб крущок опрез точного одвиту.
 стари вик;
 стредні вик;
 нови вик;
 сучасни период.

3. Цо ше означує з понятком мануфактура?
Офарб крущок опрез точного одвиту.
 файта натуралней привреди;
 способ ручно правеней продукції;
 першобутна форма банкарства;
 машини на парни погон.

4. Як ше вола держава зоз хтору пановали Стефан Лазаревич и його наслідніки?
Офарб крущок опрез точного одвиту.
 Сербске царство;
 Сербска кральовина;
 Сербска деспотовина;
 Сербске войводство.

5. Под час хторого владара Сербия ознова постала кральовина?
Офарб крущок опрез точного одвиту.
 под час Михаила Обреновича;
 под час Петра I Карадџордевича;
 под час Милана Обреновича;
 под час Петра II Карадџордевича.

6. Як ше вола процес преселеня народох хтори почал з предзераньом Гунох до Европи при концу IV вику?

Офарб крущок опрез точного одвиту.

- вельки географски одкрица;
- Велька селідба народох;
- християнизация;
- германизация.

7. На території хторей держави Гаврило Принцип окончел атентат на престолонашлїдніка Франца Фердинанда, зоз чим почала Перша шветова война?

Офарб крущок опрез точного одвиту.

- Кральовини Сербїї;
- Австро-Угорскей монархїї;
- Османского царства;
- Кральовини Чарней Гори.

8. Цо бул пошлїдок насилства дахийох у Београдским пашалуку над сербским жительством?

Офарб крущок опрез точного одвиту.

- Бечка война;
- анексия Босни и Герцеговини;
- початок Першого сербского повстаня;
- Перша шветова война.

9. Офарб крущок опрез историйного жридла хторе бешедуе о обяви войны Кральовини Сербїї з угла Австроугорскей.

„Кральовска влада Сербїї на незадовольюци способ одвитовала на ноту датовану 23. юлия 1914. року, хтору ей придал австроугорски посланїк у Београдзе. Прето Царско-кральовска влада трима же є примушена опрец ше на силу оружия пре очуване своїх правох и интересох. Австроугорска трима же ше од того моменту находзи у войны зоз Сербїю.”

„Нашу Сербїю знашло вельке зло. Австроугорска нам обявела войну. Неволї нашей Кральовини и нашого народу з Австрию не вчерайши (...) Примушени сом поволац шицких моїх милих и шмелих Сербох под сербску трифарбову заставу (...) Сербї, зоз шицку силу, браньце свойо огніска и сербске племе!”

- 10.** Офарб кружок у одвитујучим пољу так же повяжеш події зоз сербскей историї з подіяма зоз общей историї хтори ше збули у истим чаше.

	Бечка война	Наполеоново войни	Бечки конгрес
початок Першого сербского повстаня	<input type="radio"/>	<input type="radio"/>	<input type="radio"/>
початок Другого сербского повстаня	<input type="radio"/>	<input type="radio"/>	<input type="radio"/>
перша Велька селідба Сербох	<input type="radio"/>	<input type="radio"/>	<input type="radio"/>
друга Велька селідба Сербох	<input type="radio"/>	<input type="radio"/>	<input type="radio"/>

- 11.** Офарб кружок у одвитујучим пољу так же означиш події зоз сербскей историї з подіяма зоз общей историї хтори у непосредней вязи.

	початок Першей шветовой войни	Младотурска революция	закончене Першей шветовой войны
Анексийна криза	<input type="radio"/>	<input type="radio"/>	<input type="radio"/>
Сараевски атентат	<input type="radio"/>	<input type="radio"/>	<input type="radio"/>
пребиване Солунского фронту	<input type="radio"/>	<input type="radio"/>	<input type="radio"/>
Майски преврат	<input type="radio"/>	<input type="radio"/>	<input type="radio"/>

- 12.** На яки способ резултат IV кижарскей войны уплївовал на пременки у сербскей штредньовиковней держави Неманїчох?

Офарб кружок опрез точного одвиту.

- сербска держава здобула статус кральовини;
- Стефан Неманя ше осамостоел у одношеню на Византию;
- Стефан Неманїч нашлїдзел свойого оца на престоле;
- браца Стефан, Вукан и Растко подзелели власц у держави.

- 13.** Хтора з наведзених институцийох настала у штреднім вику, а постої и нешка?

Офарб кружок опрез точного одвиту.

- Сербска академия наукох и уметносцох;
- Сербска православна церква;
- Универзитет у Београдзе;
- Народна библиотека.

14. Вандали 455. року завжали и опустошили Рим. Як памятка на тоту подію настал вираз вандализем. Цо вон нешка означує?

Офарб круцок опрез точного одвиту.

- зніщоване явного маєтку и памятнікох культури;
- прешвечене до надмоци власного народу;
- мержню и нецерпезлівосц гу неприятелиови;
- потупйоване людских правох.

15. Офарб круцок опрез точного одвиту.

Дахийна управа у Београдским пашалуку приведла до вибиваня Першого сербского повстаня пре:

- жадане султана непростредно управяц з Београдом;
- утарговане Печскей патрархий;
- запровадзоване насилства над сербским жительство;
- уводжене даваня у криви.

16. Офарб круцок опрез того историйного жридли хторе битку на Марици описує з угла Туркох Османлийох.

- „Случело ше то при рики Марици. Найвещей невірнікох попадало до рики. Подавели ше. З тих невірнікох ше лем даедни виратовали. Шицки цо остали були позабавани. Даедних ше през драгу здогонело и зніщело. Тераз того место волаю Сербска Погибель. Кед невірніки з божу помоцу були розбити, пошли.”
- „Подзвигнул деспот Углеша шицких сербских и герческих воякох, и брата свойого Вукашина краля, и других велможох велїх, (...) пошли до Македонїи вигнац Туркох, (...) Та их не вигнали, але сами були позабавани и там им косци попадали, и непоховани там остали, и (...) єдни од мечу умарли, а други до рабства спадли.”

17. Добре пречитай виривок з историйного жридли и напиш рок кеди ше подія цо описана у жридле збула.

„Милош на Квитну недзелю рано пришол до Такова, и того дня там при церкви зволал скупштину, и почал ше уж явно догваряц з народом и з крипаками цо ше тераз будзе робиц. И цали собор ше зложел же иншак не може буц, лем ше биц з Турками док шицки не вигиню; / ... / та ше облекол до своїх войводских шматох и припасал оружие стриберне, та таки прибрани вишол медзи хлопох, ношаци у руки своей войводску заставу, хтора по тераз лежала дзешка скрита, та дал заставу Симови Паштрмцови и гварел му: 'Ниа, ту сом, а ниа ту вам и война з Турками'...”

Одвит: _____

18. Хторого року була битка при Ватерлоу, зоз хтору закончене панованє Наполеона Бонапарти?

Офарб крущок опрез точного одвиту.

1810. року 1812. року 1815. року 1817. року

19. Прецо ше поняце людских правох вяже за здобутки Французкей революції?

Офарб крущок опрез точного одвиту.

- З утаргованьом монархії и преглашеньом Французкей републики, утаргнуте рабство.
- Основни людски права першираз установени у Декларациї о правох человека и гражданина.
- З утаргованьом феудалних одношеньох и запровадзованьом капиталистичних одношеньох граждане достали право на осемгодзинови работни час.
- Пре способ на яки ше под час Французкей революції поступало з гражданами и противниками революції.

20. Пречитай виривок зоз жридла и одвиту на питанє.

„... Тот цар Стефан коруновал ше за цара и вибрал себе патриярха сербского не по закону ані з благословом царгородского патриярха, як ше тому швечи. ... Влапел ше и вон до замки од общего неприятеля, возвисшел ше зоз шерцом... зохабел од прародичох и святого Сави придате му архиепископство ... поставел себе насилно патриярха Йоаникия. Потим зоз совитом його, вигнал царгородских митрополитох хтори були по городох його обласци...”

Данилов предлужователь

Офарб крущок опрез точного одвиту.

Автор жридла виражел свойо негатиwне становиско гу царови Душанови пре:

- потупйованє державного и церковного порядку и обичайох;
- поражене од неприятеля;
- худобство у держави;
- зваду медзи царом Душаном и патриярхом Йоаникийом.